

Husoka ma 650 wobydleri, kiž su z wjetša wšitcy serbscy; swójbow je přez 50 serbskich, hdžež so tež z džěćimi serbski powěda a 20 němskich abo tajkich, kiž so za němske a k Němcam dzerža, kaž n. př. wučer, kiž je po mysli wonych ludži „hawpt-němc“. Z wjetša je w tych němskich swójbach muž němski a tuž tež so swójba za němsku wobhladuje; tola 4 němscy mužowje rozumja a rěča tež serbski, mjez tym zo w jenej swójbje, hdžež je mać němska, so z džěćimi jeno němski rěči. Po swědčenju wučerja z Małksy a serbskeho bura a němskeho kowarja z Husokeje, rěča w poslednišej wsy starši ze swojimi džěćimi serbski, džěći němskich staršich wuměja wšě tež derje serbski a rěča, hdyž ze serbskimi na wsy hrajkaju, z nimi serbski; w šuli pak dyrbja wězo wšě jeno němski powědać, a tuž tež Husočanski wučer hinak hač moji přěnsi swědce swědčeše, prajicy, zo ma w šuli 130 džěći, wot kotrychž jeno wokoło 10 hišće serbski rozumi, a zo je we wsy jeno hišće 10 tajkich swójbow, kiž tak prawje na starym wašnju wisajo hišće domach serbski powědaju. Tak by na kóždu tutu swójbu jene serbske džěćo přišlo. Dorosćeni, kaž dale džeše, pak mačko a njerad serbski powědaju (wězo z nim, dokelž wědža abo mysla, zo je wón „hawptněmc“). Na přazy spěwaju młode holcy, štož wučer sam wuzna, z wjetša hišće serbski, ale póstne kěrlušy na wsy wot l. 1870 jenož němski, dokelž bě jim wón serbske spěwać zakazał. W cyrkwi pak drje so ženje serbski spěwało njeje. — Žónska a mužska drasta je tu hišće serbska.

Po tajkim ma Husoka z najmjeńša $\frac{2}{3}$ = 433 serbskich wobydleri, serbscy rozumi pak jich z najmjeńša 500 a tohodla ma so ta wjes hišće do serbskich ličic napřećiwo postajenju na Smolerjowej a Andree-owej kharće, na kotrymajž wona hižo w přeměčenym kraju płuwa.

Gózd a Dubrawa. W kóždej wsy je wokoło 160 wobydleri. Gózd ma šulu, do kotrejež tež džěći z Dubrawy khodža, Dubrawa pak filialnu cyrkej, kiž k Nosydłojcam słuša. Do šule khodži 60 džěći, mjez nimi 8 serbskich, kotrež je wučer, dokelž do cyła němski njerozumjachu, w přenim lěće tež sobu serbski rozwučował; su to džěći wot džělaćeřskich staršich na knježimaj dworomaj tuteju wsow; džěći druhich wobydleri pak